

1 TESALONICENSES

Pablosã Tesalónica marãrẽ õãdoredea

¹ Yu Pablo, yu merãmarã Silvano, Timoteo merã mʉsã Tesalónica marãrẽ Jesúre bʉremurãrẽ õãdoredea. Mʉsã Marĩpʉyarã, marĩ Opʉ Jesucristo-yarã ããrã. Irasirigʉ mʉsãrẽ i papera pũrẽ gojáa. Marĩpʉ ããrĩnĩgũ, marĩ Opʉ Jesucristo mʉsãrẽ õãrõ iritamu, siuñajãrĩ merã ããrĩrikʉmakũ iriburo.

Pablo, Tesalónica marã Jesúre bʉremurĩrẽ go-jadea

² Gʉa Marĩpʉre mʉsãya ããrĩburire sãrẽbosarã, mʉsã õãrõ iririre gũñáa. Irasirirã ãgũrẽ: “Mʉ iritamurĩ merã õãrõ yãma”, ãrĩ, ʉsʉyari sĩnĩkõãa.

³ ãgũrẽ sãrẽrã, ãsũ ãrĩ sãrẽa: “Gʉapʉ, Tesalónica marã mʉ magũ Jesucristore bʉremusĩã, ãgũyare õãrõ irirã yãma. Maĩrĩ merã gajerãrẽ õãrõ iritamuma. Marĩ Opʉ Jesucristo dupaturi aariburire ʉsʉyari merã yúsĩã, ñerõ tarikererã gũñaturama. Irasirigʉ ãgũsãrẽ irire iriduúbirimakũ irika!” ãrĩ sãrẽa.

⁴ Gʉayarã, Marĩpʉ mʉsãrẽ maĩmi. ãgũta mʉsãrẽ beyedi ããrĩmĩ, ãgũyarã ããrĩburo, ãrĩgũ. Gʉa irire masĩa.

⁵ Mʉsãrẽ Jesús masakare tauri kerere wererã, gʉa masĩrĩ merã werebiribʉ. Õãgũ deyomarĩgũ turari merã gapʉ mʉsãrẽ iri kerere werebʉ. Gʉa mʉsãrẽ õãrõ iritamudeare masĩsĩã, gʉa iri kerere weremakũ pérã: “Diayeta ããrã”, ãrĩ masĩbʉ.

⁶ Irasirirã, gwa irideare iãnerã ããrĩsĩã, gwa iriderosũ, irasũ ããrĩmakũ Jesucristo iriderosũ irirã dujabũ. Ñerõ tarikererã, Õãgũ deyomarĩgũ iritamurĩ merã Jesúya kerere usuyari merã pé, b̄remunugãbũ.

⁷ M̄sã irasirideare pérã, ããrĩpererã Jesúre b̄remurã, Macedonia nikũ marã, õõ Acaya nikũ marã: “Marĩdere ĩgũsã irirosũta ããrĩkuro gããmea”, ãrĩma.

⁸ M̄sã merãta ããrĩpererogue marã marĩ Opũ Jesúya kerere péperekõãñurã. Macedonia marã, Acaya marã dita iri kerere pérã meta iriñurã. ããrĩpererogue marã m̄sã Marĩpũre b̄remurĩrẽ masĩsiañurã. Irasirirã gwa ĩgũsãrẽ irire werenemobirikoa.

⁹ ĩgũsã gapũ gwa m̄sã pũro ejamakũ, m̄sã guare õãrõ bokatĩrĩñeãdeare gajerãguere werema. Gaji m̄sã keori weadeare b̄remurĩrẽ pirikõã, Marĩpũ gapũre b̄remu, ĩgũ gããmerĩ direta irinugãdeare werema. ĩgũ diayeta Marĩpũ okanígũ ããrĩmi.

¹⁰ M̄sã, ĩgũ magũ Jesús ãmugasigue ããrĩgũ i ãmugue dupaturi aariburire õãrõ usuyari merã yurã iriayuro. Marĩpũ Jesúre boadiguere masũdi ããrĩmĩ. Jesũta marĩrẽ peamegue bũro wajamoãsũbonerãrẽ taugũ ããrĩmi.

2

Pablo Tesalónicaque ĩgũ buedeare gojadea

¹ Gwayarã, m̄sã ire õãrõ masĩa. Gwa m̄sã pũro ããrĩrã, ubu ããrĩrĩrẽ irirã meta iribũ. Gwa buerire pérã, wãrã m̄sã Jesúre b̄remunugãbũ.

² Gwa musã puro waaburi dupuyuro Filipogue ããrĩbũ. Gwa irogue ããrĩmakũ, iro marã gware ñerõ iri, ñerõ ãrĩ buridama. Musã irire masĩa. Musãya makã marãde gware ñerõ iridũakererũ, Marĩpu gware iritamumi. Irasirirã güiro marĩõ güñaturari merã ĩgũ masakare tauri kerere musãrẽ werebũ.

³ Gwa musãrẽ: “Iri kerere buremuka!” ãrĩ wererã, diayema ããrĩrĩrẽ buremumakũ gããmebũ. Musãrẽ ñerõ iridũarã, ãrĩgatori merã buerire buremumakũ iridũarã meta iribũ.

⁴ Marĩpu ĩgũ gããmederosũta gware ĩgũ masakare tauri kerere weremurãrẽ beyepĩdi ããrĩmĩ. Irasirirã, masaka gwa merã usuyaburo, ãrĩrã meta iri kerere werea. Marĩpu gããmerĩ gapure iridũarã, irire werea. ĩgũta ããrĩpereri marĩ güñarĩrẽ ĩãmasĩgũ ããrĩmĩ.

⁵ Musã masĩa. Gwa musã puro ããrĩrã, musãrẽ õãrõ werenĩgatori merã gwa gããmerĩrẽ irimakũ iridũarã meta iribũ. Musãrẽ niyerure ãidũarã ãrĩgatori merã wererã meta iribũ. Marĩpude irire masĩmi.

⁶ Gwa Marĩpuya kerere wererã, musã gware: “Õãrõ buema”, ãrĩmakũ iridũarã meta yãa. Gajerãde gware irasũ ãrĩmakũ neõ gããmebea.

⁷ Gwa, Cristo buedoregũ beyepĩnerã ããrĩsĩã, musãrẽ: “Gware iritamuka!” ãrĩbonerã ããrĩkererã, neõ irasũ ãrĩbiribũ. Sugo pago igo pũrãrẽ maĩrĩ merã õãrõ korerosũta musãrẽ maĩrĩ merã õãrõ korebũ.

⁸ Musãrẽ burõ maĩsĩã, Marĩpuya kerere õãrõ iridũari merã buebũ. ããrĩpereri gwa irimasĩrĩ merã musãrẽ iritamubũ. Musãrẽ maĩsĩã, irasiribũ.

⁹ Musã guayarã, gwa musã merã ããrĩrã burõ moãdeare güñakoa. Musãrẽ Marĩpuya kerere buerã:

“Guaare iritamuka!” ārīduabirisīā, gua baaburire wajarimurā ũmũrĩ, ñamirĩ moābũ.

¹⁰ Gua iririkurire mūsā masīa. Marĩpũde masĩmi. Gua, mūsā Jesúre bũremurā merā āārĩrā, gua mūsārē ōārō irirā, diayema iribũ. Irasirirā gajerā guaare: “Ñerō yáma, waja oparā āārĩma”, neō ārĩmasĩbirima.

¹¹ Idere mūsā masīa. Sugu pagu ĩgũ pũrārē ōārō wereri merā ĩgūsārē gũñaturamakũ irirosũta gua mūsādere āārĩpererārē irasiribũ.

¹² Marĩpũ mūsārē ĩgũyarārē dorerogue ĩgũ ōārō gosewasirogue mūsā āārĩmurārē beyedi āārĩmĩ. Irasirirā mūsārē ĩgũyarārē: “ĩgũyare ōārō irinĩkōāka!” ārĩ werebũ.

¹³ Gua mūsārē Marĩpũya kerere weremakũ pérā, mūsā: “I Marĩpũya werenĩrĩgora āārā”, ārĩ bũremubũ. “Masakaya werenĩrĩ meta āārā”, ārĩbũ. Gua, mūsā irasirideare gũñarā, Marĩpũre ũũyari sĩnĩkōāa. ĩgũ mūsārē ĩgũya kerere bũremurārē iri merā mūsā gũñarĩrē, mūsā iririre ōārĩ gapũre gorawayumakũ yámi.

¹⁴ Gũayarā, mūsā Jesucristore bũremurā āārĩmakũ ĩārā, mūsāya nikũ marā mūsārē ñerō tarimakũ iriañurā. Mūsārē waarósũta Judea nikũ marādere Marĩpũyarādere waaró iriayuro. ĩgūsā Jesucristore bũremurā āārĩmakũ ĩārā, ĩgūsāya nikũ marā judío masaka ĩgūsārē ñerō tarimakũ iriañurā. Judío masaka Jesúre gāamemerā āārĩsīā, ĩgũrē bũremurārē ñerō tarimakũ iriañurā.

¹⁵ ĩgūsā ñekūsāmarā Marĩpũya kerere weredupuyunerārē wějēderosũ, marĩ Opũ Jesúdere wějēnerā āārĩmá. Gũadere gua mūsāya makāgue

ãārĩmakũ, ñerõ iri, béowiuma. Marĩpũ, ĩgũsã irasirideare neõ gããmebemi. Ĩgũsã ãārĩpererãrẽ gããmebema.

¹⁶ Judío masaka ãārĩmerãrẽ peamegue waabirikõáburo, ãrĩrã, gũa ĩgũsãrẽ Jesúyare buedũamakũ, judío masaka Jesúre gããmemerã gũare kãmutadũadima. Gũare ĩgũyare weredorebirima. Irasirirã ĩgũsã ñerõ iririre nemorõ irisĩã, wáro waja opama. Ĩgũsã daporata Marĩpũ bũro wajamoõsũmurã dujasiana.

Pablo Tesalónica marãrẽ ĩgũ dupaturi ĩãgũ waadũarire gojadea

¹⁷ Gũayarã, gũa mũsã pũrogue ãārãnerã wiridero pũrũ mērõgã tarikerepũrũ, mũsãrẽ gũñaníkõã, dupaturi bũro ĩãrã waadũadibũ.

¹⁸ Wári gũa mũsãrẽ ĩãrã waadũadibũ. Yũ Pablo wári: “Irogue waagũra”, ãrĩnadibũ. Gũa waadũarikũ, wãtĩ gapũ gũa waadũarire kãmutanami.

¹⁹⁻²⁰ Mũsãta gũare usũyamakũ irirã, gũare mũsã õãrõ iriburimarẽ gũñaturamakũ irirã ããrã. Irasirirã mũsãrẽ ĩãrã waadũadibũ. Marĩ Opũ Jesucristo i ãmũgue dupaturi aarimakũ, mũsã õãrõ irideare gũñarã, gũa ĩgũrẽ: “Ĩgũsãta ãārĩma, gũare bũro usũyamakũ irinerã. Gũa mũyare buemakũ pérã, mũrẽ bũremunũgãma. Mũyare õãrõ iritũyaníkõãma”, ãrĩ wererãkoa. Irasirirã mũsã merã bũro usũyãa.

3

¹⁻² Mũsãya kerere pẽdũarã bokatĩũbirikubũ. Irasirirã, Timoteore: “Ĩgũsãrẽ ĩãgũ waaka!” ãrĩ

iriubũ. “Gua gapũ Atenague dujarãkoa”, ãrĩbũ. Timoteo marĩyagũ, Marĩpũre moãboegũ, gua merã Jesucristoya kerere buegũ ããrĩmi. “Ígũ Jesúyare buemakũ pérã, gũñaturari merã ígũrẽ bũremunemorãkuma”, ãrĩrã, ígũrẽ iriubũ.

³ Mũsã Jesucristore bũremurĩ waja gajerã mũsãrẽ ñerõ iriañurã. Irasirirã, mũsã Jesúyare neõ piribirikõãburo, ãrĩrã, Timoteore mũsã pũroque iriubũ. Marĩ Jesúre bũremurĩ waja gajerã marĩrẽ ñerõ irirãkuma. Irire masĩa mũsã.

⁴ Iro dupuyuro gua iroque mũsã merã ããrĩrã, irire ãsũ ãrĩ weresiabũ: “Marĩ Jesúre bũremurĩ waja ñerõ tarirãkoa”, ãrĩbũ. Gua ãrĩderosũta gajerã marĩrẽ ñerõ irirã yãma. Mũsã irire masĩsiãa.

⁵ Irasirigũ, mũsãrẽ: “¿Jesúre gũñaturari merã bũremuníkõãkuri?” ãrĩ sërẽña, mũsãya kerere péduagũ bokatiũbirisĩã, Timoteore iriubũ. “Gũñaturanerãrẽ gajipoe irigũ wãtĩ ígũsãrẽ Jesúya buerire bũremuduúmakũ irikumĩ, gua irire ubugora bueyo”, ãrĩ gũñarikũbũ. Irasirigũ Timoteore mũsã pũroque iriubũ.

⁶ Daporare, Timoteo, mũsãrẽ íãgũ ejadi õõguere goejasiami. Ígũ õãrĩ mũsãyare kerekũ goejami. Mũsã piriro marĩrõ Jesúre õãrõ gũñaturari merã bũremurĩrẽ, mũsã gãme maĩrĩrẽ, gũare were goejami. Gũare maĩrĩ merã gũñanikõãyuro. Gua mũsãrẽ íãduarosũta, mũsãde gũare bũro íãduayuro.

⁷ Irasirirã, mũsã Jesúre bũremurĩrẽ pérã, gua ñerõ tarikererã, õãrõ yũjũpũrãkari merã usũyãa.

⁸ Marĩ Opũ Jesúre mũsã bũremunĩmakũ pérã, dapagueta siuñajãrĩ opãa.

⁹ Irasirirã mũsãrẽ gũñarã, Marĩpũre bũro usũyari

sĩa. Nasiri usuyari sibokatĩũmasĩña máa.

¹⁰ Umũrĩ, ñamirĩ Marĩpũre: “Gũa ĩgũsārē ĩārā waaburire āmubosaka!” ārĩ, bũro sērēa. Mũsārē Jesúya kerere wereyuwarikũrā waadũakoa, ĩgũrē ōārō bũremunemoburo, ārĩrā.

¹¹ Marĩpũ āārĩnĩgũ, marĩ Opũ Jesucristo guare iritamuburo. Gũare mũsārē ĩārā waaburire āmu, iriuburo.

¹² Marĩ Opũ mũsārē nemorō gāme maĩwāgānĩmakũ iriburo. Gũa mũsārē maĩrōsũta mũsāde gajerā āārĩpererārē gāme maĩnemomakũ iriburo.

¹³ Mũsārē ĩgũrē piriro marĩrō ōārō gũñaturari merā bũremunĩmakũ iriburo. Irasirirā, marĩ Opũ Jesús āārĩpererā ĩgũyarā merā i umugue dupaturi aarimakũ, Marĩpũ āārĩnĩgũ ĩũrōgue ĩgũ iritamurĩ merā ñerĩ marĩrā, waja opamerā āārĩrākoa.

4

Pablo Jesúre bũremurārē: “Marĩpũ gāāmerĩ direta irika!” ārĩ gojadea

¹ Daporare marĩ Opũ Jesús doreri merā mũsārē āsũ ārĩ werea: “Gũa mũsārē: ‘Āsũ iriro gāāmea’, ārĩ buederosũta irika, Marĩpũ gāāmerĩ direta irimurā! Daporare mũsā ĩgũ gāāmerĩrē irirā iriayuro. Irasirirā: ‘Irire nemorō irinemoka!’ ” ārĩ werea.

² Gũa buedeare mũsā masĩa. Irire buerā, marĩ Opũ Jesús doreri merā mũsārē buebũ.

³ Marĩpũ mũsārē ñerĩ marĩrā āārĩmakũ gāāmemi. Irasirirā: marāpo marĩrā, marāpokũrā, marāpũ marĩrā, marāpũkũrā gāmebirabirikōāka!

4 M̄sãk̄u ñerõ iri ñmurõ marĩrõ goepeyari merã m̄sã marãposã nomerẽ opaka! Gajerã m̄sã irasirimakũ ñãrã: “Õãrõ yãma”, ãrĩ ñãrãkuma.

5 Marĩp̄ure masĩmerã irirosũ, nomerẽ ñerõ irid̄uari merã ñaribejabirikõãka!

6 M̄uyaḡu marãpore gãmebirarã, igo marãp̄udere ñerõ irikoa. Irinorẽ iribirikõãka! Marĩp̄u irasirirãnorẽ b̄uro wajamoãḡukumi. Ḡua m̄sãrẽ irire weresiab̄u.

7 Marĩp̄u marĩrẽ ñerĩrẽ iriburo, ãrĩḡũ meta beyepĩdi ããrĩmĩ. Ñḡũ gããmerĩ direta iridoreḡu, marĩrẽ beyepĩdi ããrĩmĩ.

8 I buerire gããmemerã, ḡua direta gããmemerã meta yãma. Marĩp̄udere gããmebema. Marĩp̄u marĩrẽ ñḡũ gããmerĩ direta iridoreḡu, Õãḡũ deyomarĩḡurẽ iriudi ããrĩmĩ. Õãḡũ deyomarĩḡũ ñerĩ opabi ããrĩmĩ.

9 M̄sã suḡu p̄urã irirosũ gãme maĩrĩ tamerãrẽ gojabea. Marĩp̄u ñḡũ basi m̄sãrẽ gãme maĩdoresiadi ããrĩmĩ.

10 M̄sã irasũta iriayuro. Marĩp̄u m̄sãrẽ dorederosũta ããrĩperero Macedoniague ããrĩpererã Jesũre b̄uremurãrẽ maĩayuro. M̄sã gãme maĩrĩ merã ããrĩkerep̄ur̄u: “Nemorõ gãme maĩnemoka!” ãrĩ werea.

11 Gãme ñãturiro marĩrõ õãrõ ããrĩrik̄uka! Gajerãya ããrĩr̄norẽ ḡũnarik̄u, ñḡusãrẽ werew̄abirikõãka! M̄sãyama ããrĩburi gap̄ure ḡũña, õãrõ moãrik̄u, ããrĩkõãka! Ḡua m̄sã p̄urogue ããrĩrã, ire m̄sãrẽ weresiab̄u.

12 M̄sã õãrõ moãrã, gajerãrẽ baari s̄erẽbirikoa. M̄sã moãrĩ merã m̄sã baaburire oparãkoa. M̄sã irasirimakũ ñãrã, Jesũre b̄urenumerã goepeyari

merã mʉsãrẽ ããrãkuma.

Pablo marĩ Opɯ dupaturi i ãmɯgue aariburire gojadea

13 Gɯayarã, mʉsãrẽ boanerã waaburire weredɯakoa, irire masĩburo, ããrĩgũ. Jesúre bɯremurã boarã, ãgũ merã ããrĩnĩrã waarãkuma. Mʉsã irire masĩrã, mʉsãyarã Jesúre bɯremurã boamakũ, bɯro bɯjawerebirikoa. Jesúre bɯremumerã gapɯ, ãgũsãyarã boamakũ, bɯro bɯjawererãkuma. ãgũsã irirosũ bɯro bɯjawerebirikoa.

14 Marĩ ire bɯremua. Jesús boadigue masãdi ããrĩmĩ. ãgũ dupaturi i ãmɯgue aarimakũ, ãgũrẽ bɯremurã boanerãrẽ Marĩpɯ ãgũrẽ masũderosũta ãgũsãrẽ masũgɯkumi. Masũ odo, ãgũ ããrĩrõgue ãĩmɯrĩãgɯkumi.

15 Marĩ Opɯ Jesús weredeare mʉsãrẽ werea. Jesús dupaturi i ãmɯgue aarimakũ, ãgũrẽ bɯremurã boanerã masã, ãĩmɯrĩãsũrãkuma. ãgũsã pɯɯ, marĩ Jesúre bɯremurã okarãde ãĩmɯrĩãsũrãkoa.

16 ãsũ waarokoa. Marĩ Opɯ Jesús ãgũ basita ãmɯgasigue ããrĩdi bɯro turaro werenĩrĩ merã aarigɯkumi. ãgũ aarimakũ, Marĩpɯre wereboerã opɯde werenĩgɯkumi. Marĩpɯyaru puridirude busurokoa. Irasũ waamakũ, Jesúre bɯremurã boanerã masãpɯrorirãkuma.

17 ãgũsã pɯɯ, marĩ okarãde Jesúre bɯremurã, ãgũsã merã mikãyeborigue mɯrĩã, irogue Jesúre bokatĩrĩrãkoa. Ɛmɯgasigue ãgũ merã ããrĩnĩkõãrãkoa.

18 Mũsã basi irire gãme wereníka! Irasirirã gãme gũñaturamakũ irirãkoa.

5

1 Irinũ, iropã ããrĩmakũ, Jesús dupaturi aarigũkumi, ãrĩrĩ tamerã masĩña máa. Irasirigũ iri tamerãrẽ gojabea.

2 Mũsã masĩsiáa. Sugũ yajarimasũ ñami merã gũñaña marĩrõ yajagũ ejarosũ, Jesúde marĩ gũñabiriripoe ejagũkumi.

3 Jesúre bũremumerã ãgũ dupaturi aariburi dupuyurogãrẽ: “Gũa gũiro marĩrõ õãrõ ããrĩkõãa”, ãrĩ gũñarãkuma. ãgũsã irasũ gũñaripoere ãgũsãrẽ wãri ñerĩ waarokoa. Sugo nomeõ nijĩpo ããrĩgõ, majĩgũ nijĩwãgũgõ pũrĩsũrõsũ, Jesúre bũremumerã irasũta gũñaña marĩrõ bũro ñerõ tarirãkuma. Neõ sugũ taribirikumĩ.

4 Masaka Jesúre bũremumerã, naĩtĩãrõgue ããrĩrã irirosũ ããrĩma. Mũsã gapũ ãgũsã irirosũ ããrĩbea. Irasirirã Jesús dupaturi í ãmũgue aarimakũ, yajarimasũrẽ ããgũkarã irirosũ waabirikoa.

5 Mũsã ããrĩpererã Jesúyarã ããrã. Irasirirã ãmũ boyorogue ããrĩrã ããmasĩrõsũ Jesús aariburire masĩa. Jesúre bũremumerã gapũ naĩtĩãrõgue ããrĩrã irirosũ ããrĩma. Irasirirã ñami merã ããmasĩberosũ Jesús aariburire masĩbema.

6 Irasirirã ñami merã kãrĩrã irirosũ ããrĩbirikõãrã marĩ! Jesús dupaturi aariburire gũñamerã, kãrĩrã irirosũ ããrĩma. Marĩ gapũ ãgũ aariburire pemasĩrĩ merã gũñanĩkõãrã! Mejãrã irirosũ iribirikõãrã! Diayema gapũre irirã!

7 Masaka ñamirẽ kãrĩkuma. Mejãrĩmasã ñamirẽ mejãkuma.

8 Marĩ Jesúyarã gapu ãmu boyorogue ããrĩã irirosũ ããrã. Irasirirã õãrõ pémasĩrĩ merã diayemarẽ irinĩkõãrã!

Sugu surara gãmewẽjẽrõgue waabu, ãgũya ko-retibire kãmutagu, kõme surĩrore sãñakumi. ãgũ irirosũta marĩde Jesúre bũremurĩ merã, marĩ gãme maĩrĩ merã, wãtĩrẽ ãgũ marĩrẽ irire piri-makũ iridũarire kãmutarã! Surara ãgũya dipurure kãmutagu, kõme perore peyakumi. ãgũ irirosũta marĩde, Jesús marĩrẽ taugu aariburire: “Diayeta aarigakumi”, ãrĩ masĩrĩ merã wãtĩrẽ ãgũ marĩrẽ: “Irasũ waabirikoa”, ãrĩgatorire kãmutarã!

9 Marĩpũ marĩrẽ wajamoãbu meta beyepĩdi ããrĩmĩ. Marĩ ñerõ iridea wajare marĩ Opũ Jesucristo merã taubu, marĩrẽ beyepĩdi ããrĩmĩ.

10 Jesús ãgũ merã ããrĩnĩkõãburo, ãrĩgũ, marĩrẽ boabosadi ããrĩmĩ, marĩ ñerõ iridea wajare wajarigu. Irasirirã ãgũ dupaturi aarimakũ, ãgũrẽ bũremurã boanerã, marĩ okarãde ãgũ merã ããrĩnĩkõãrãkoa.

11 Irire gũñarã, mũsã irinĩrõsũ nemorõ gãme iritamu, gũñaturamakũ irika! Irasirirã Jesúre bũremunemorãkoa.

Pablo Jesúre bũremurãrẽ weretũnudea

12 Guayarã, mũsãrẽ turaro merã ãsũ ãrĩ weredũakoa. Marĩ Opũya kerere mũsãrẽ wererãrẽ gopeyari merã ããka! Marĩ Opũ ãgũsãrẽ mũsãrẽ õãrõ doreburo, ãrĩgũ, beyepĩdi ããrĩmĩ, mũsãrẽ õãrõ ããrĩrikũburire, õãrõ iririkũburire buedoregu.

13 ãgũsã mũsãrẽ irire buerã, marĩ Opũyare õãrõ irirã yãma. ãgũsã irasirimakũ ããrã, ãgũsãrẽ bũro

buremurĩ merã, buro maĩrĩ merã ãka! Gãme turiro marĩrõ õãrõ ããrĩrikuka!

14 Gũayarã, gaji musãrẽ ãsũ ãrĩ weredũakoa doja. Moãdũamerãrẽ moãdoreka! Gũñaturamerãrẽ gũñaturamakũ irika! Jesúre buremuturamerãrẽ iritamuka, ãgũrẽ buremunemoburo, ãrĩrã! ããrĩpererã merã guaro marĩrõ bopoñarĩ merã õãrõ irika!

15 Musãrẽ gajerã ñerõ irimakũ, ãgũsãrẽ gãmbirikoaka! Õãrĩ gapũre musãyarãrẽ, ããrĩpererã gajerãdere õãrõ irinĩkõãka!

16 Musã Jesúyarã ããrĩsã, usũyari merã ããrĩnĩkõãka!

17 Musã noó waaró, musã noó ããrĩrõ, Marĩpure gũña, ãgũrẽ musãya ããrĩburire sërënikõãka!

18 Musãrẽ gajinũ ñerõ waamakũ, õãrõ waamakũdere Marĩpure usũyari sĩnikõãka! Marĩpũ, marĩ Jesucristore buremurãrẽ irire irimakũ gããmemi.

19 Õãgũ deyomarĩgũ, musã gũñarĩgue ãgũ weremakũ, irire kãmutabirikõãka! ãgũ dorerire õãrõ yujuka!

20 Sugũ Jesúre buremugũ Õãgũ deyomarĩgũ masĩrĩ sĩrĩ merã, Marĩpũ weredoredeare weremakũ pérã, irire doo buridabirikõãka!

21 Ubu gapũ ãgũsã weremakũ, õãrõ pékũnú, gũñaka! “¿Diayeta wereri?” ãrĩ masĩdũarã, irasirika! Õãrĩ bueri ããrĩmakũ, iri gapũre irika!

22 Noó ñerĩ ããrĩmakũ, irire iribirikõãka!

23 Marĩpũ siuñajãrĩ merã ããrĩrikũmakũ irigũ musãrẽ õãrõ, ñerĩ marĩrõ, ãgũ gããmerĩ direta iririkũmakũ iriburo. Musã ñerĩ opabirimakũ,

mʉsāya gũñarĩgue õãrĩ direta opamakũ, mʉsāya dupuri merã ñerõ iribirimakũ iriburo. Mʉsãrẽ waja opamerã ããrĩmakũ iriburo. Ĩgũ irasirimakũ, marĩ Opũ Jesucristo dupaturi aarigũ, mʉsãrẽ waja opamerã ããrĩmakũ bokajagukumi.

²⁴ Marĩpũ mʉsãrẽ ĩgũyarã ããrĩburo, ãrĩgũ, beyepĩdi, i ããrĩpereri ĩgũ mʉsãrẽ: “Ãsũ irigura”, ãrĩdeare diayeta irigukumi.

Pablo õãdoretũnudea

²⁵ Guayarã, mʉsãde Marĩpure guaya ããrĩburire sãrẽbosaka!

²⁶ ããrĩpererã iro marã Jesũre buremurãrẽ, ĩgũ marĩrẽ maĩrõsũta maĩrĩ merã õãdoreka!

²⁷ Marĩ Opũ Jesucristo doreri merã i pũrẽ ããrĩpererã ĩgũrẽ buremurãrẽ siiu neõ, bue ĩmuka!

²⁸ Marĩ Opũ Jesucristo mʉsãrẽ õãrõ iritamuburo. Iropãta ããrã.
Pablo

Marĩpuya Kerere Wereri Turi New Testament in Siriano

copyright © 2009 Wycliffe Bible Translators, Inc.

Language: Siriano

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Siriano

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 18 Apr 2025 from source files
dated 29 Jan 2022
1a0774e8-d152-5929-891b-95e0d2238786